

Euskal Herriko Ahotsak  
ahotsak.com

*Joseba Konde Zubiaurre*

*Elgoibar,  
Gipuzkoa  
(1954)*

Aurkibidea



## Biografia



Elgoibarren jaioa, Santa Ana kalean. Ama elgoibartarra zen, Metalgua baserrikoa, eta aita, berriz, Ermutik etorria. Aitaren aldeko aitona-amonek Konde taberna izan zuten plazan eta Josebaren gurasoek, berriz, Gorbea taberna, Santa Ana kalean. Umetan Eibarko La Salle ikastetxean ibili zen eta Unibertsitate-ikasketak Bilbon egin zituen. Bertan ikaskideei euskara irakasten aritu zen. Geroago Bergarako UNEDen ibili zen euskara titulua ateratzeko. 1979an Elgoibarko Eskola Profesionalean hasi zen irakasle gisa eta kontabilitatea euskaraz eman zuen lehen irakaslea izan zen. Elhuyarreko kideekin batera ikasmateriala euskaratzeko lanean ibili zen. Kontabilitatea euskaraz emango zuen irakaslea behar zela eta 1988an Unibertsitatera pasa zen, baina ikasturte bat besterik ez zuen egin, Kondia lantegian hasi baitzen lanean. Elgoibarko Izarra elkarteko lehendakariorde eta lehendakari izan zen 1981-1982an eta Elgoibarko ikastolako (Pedro Migel Urruzuno kooperatibako) lehendakari ere bai 1992-1993 urteetan.

## Zintak

### EGB-136

- **Proiektua:** Euskararen historia soziala Elgoibarren
- **Elkarrizketatzailea(k):** Agirrebeña, Aintzane
- **Data:** 2023-05-04
- **Iraupena:** 45 min
- **Euskarria:** Bideo digitala
- **Kodifikatzailea:** Agirrebeña, Aintzane

## EGB-137

- **Proiektua:** Euskararen historia soziala Elgoibarren
- **Elkarrizketatzailea(k):** Agirrebeña, Aintzane
- **Data:** 2023-05-04
- **Iraupena:** 62 min
- **Euskarria:** Bideo digitala
- **Kodifikatzailea:** Agirrebeña, Aintzane

## Pasarteak

### 1. Gurasoen jatorria

- **Erref:** EGB-136/002
- **Iraupena:** 0:01:49. **Hasi:** 00:00:23. **Bukatu:** 00:02:12
- **Multimedia:** bideoa online ikusgai

#### Gaia(k):

- Aisia » Taberna giroa » Tabernak eta jatetxeak
- Familia eta harremanak » Lagunartea eta familia » Etxeko giroa

#### Laburpena:

Ama elgoibartarra zen, Metalkua baserrikoa. Aitaren familia Ermutik etorri zen aitak 8-9 urte zituela. Bederatzi anai-arreba ziren eta bi gazteenak jada Elgoibarren jaio ziren. Familia euskalduna eta abertzalea zen Kondetarrena. Aitona-amonek Konde taberna izan zuten Elgoibarko plazan, 1970era arte. Gurasoek ere taberna jarri zuten bera jaio eta lau hilabetera.

### 2. Martxa handia Gorbea tabernan

- **Erref:** EGB-136/003
- **Iraupena:** 0:02:18. **Hasi:** 00:02:12. **Bukatu:** 00:04:30
- **Multimedia:** bideoa online ikusgai

#### Gaia(k):

- Aisia » Taberna giroa » Tabernak eta jatetxeak
- Ekonomia eta industria » Boom industriala
- Lantegiak » Ekonomia eta industria » Gipuzkoako lantegiak » Debarreneko lantegiak

#### Laburpena:

Konde tabernan jendeak ardoa edaten zuen eta jatekoa etxetik eramaten zuten. Gurasoen tabernan (Gorbea) jada ohitura handiagoa zegoen bertan jateko. Autopistaren eta San Rokeko etheen eraikuntzak lana ekarri zuen eta kanpotik jendea etorri zen lanera. Sigma zen orduan lantegi garrantzitsua. Zubirik ez zegoen artean eta jendea errepide bazterretik joaten zen. Zubia egin zenean, denak, Santa Ana kalean zehar, euren taberna paretik pasatzen ziren. Horrez gain, Odeon antzokia zuten parean. Martxa handia izaten zen tabernan.

### 3. Gurasoen ikasketak; fraideen bisitak

- **Erref:** EGB-136/004
- **Iraupena:** 0:01:13. **Hasi:** 00:04:30. **Bukatu:** 00:05:43
- **Multimedia:** bideoa online ikusgai

**Gaia(k):**

- Ohiturak eta bizimodua » Erljioa » Elizarekin lotutako pertsonak
- Ohiturak eta bizimodua » Hezkuntza » Eskolaz aparteko ikasketak
- Familia eta harremanak » Lagunartea eta familia » Etxeko giroa

**Laburpena:**

Ama sukaldaritza-lanak ikasten ibili zen Hotel Zumaian. Aitak fraide ikasketak egin zituen Arantzazun. Fraide asko lagunak zituen eta sarritan bazkaltzeko orduan joaten zitzaizkien bisitan.

**4. Konde taberna**

- **Erref:** EGB-136/005
- **Iraupena:** 0:02:05. **Hasi:** 00:05:43. **Bukatu:** 00:07:48
- **Multimedia:** bideoa online ikusgai

**Gaia(k):**

- Aisia » Mendia eta hondartza » Mendizaletasuna
- Aisia » Taberna giroa » Tabernak eta jatetxeak
- Politika » Politika eta Franco

**Laburpena:**

Gurasoek Gorbea taberna zeukaten Santa Ana kalean eta aitona-amonek Konde taberna plazan. Puntu garrantzitsua zen. Mendizale elkartearen bilgunea ere izan zen garai batean eta euskaldun asko batzen zen bertan. Kondetarrak abertzaleak ziren. Aitak "Radio Paris" eta Radio Pirenaica" ezkutuko irratiak entzutera eramaten zuen.

**5. Ikasketak La Sallen; irakasleak; Burgosko prozesua**

- **Erref:** EGB-136/006
- **Iraupena:** 0:03:25. **Hasi:** 00:07:48. **Bukatu:** 00:11:13
- **Multimedia:** bideoa online ikusgai

**Gaia(k):**

- Ohiturak eta bizimodua » Hezkuntza » Maisu-maistrak
- Ohiturak eta bizimodua » Hezkuntza » Fraideak
- Politika » 60ko hamarkada eta trantsizioa (1970-1980)
- Politika » Politika eta Franco

**Laburpena:**

Anaia eta biak Eibarko La Salle ikastetxera bidali zituzten umetan. Bi arrazoiengatik izan daitekeela uste du: tabernan trabarik ez egitearren eta La Salle gainontzeko eskolak baino "liberalagoa" zelako. Esaterako, berak ez zuen inolako arazorik izan Joseba izenarekin. 1970ean, unibertsitate aurreko ikasketak (PREU) egiten ari zela, Burgosko prozesuaren inguruko kontuak entzuten hasi zen. Eibar aurreratuagoa zen halako kontuetan. Manifestazioan irten ziren La Salletik, on Jose Elvira `El botas´ irakasleak bota barruan pistolatxo bat eramaten zuela jakin arren. Beste irakasle bat Julio Sarasua zen, abertzalea.

**6. Joseba izenaren inguruko gorabeherak**

- **Erref:** EGB-136/008
- **Iraupena:** 0:01:11. **Hasi:** 00:11:28. **Bukatu:** 00:12:39

- **Multimedia:** bideoa online ikusgai

**Gaia(k):**

- Politika » Euskara eta politika

**Laburpena:**

Aitari ez zioten utzi Joseba izena jartzen erroldan eta Jose Ramon ipini zioten. Beti Joseba esan izan diotenez, berandura arte ez zuen jakin Jose Ramon zeukan izena. Halako kontuak erraztasun handiz asumitzen zituztela dio.

## 7. Emakumearen egoera 1975 arte

- **Erref:** EGB-136/010
- **Iraupena:** 0:02:46. **Hasi:** 00:12:44. **Bukatu:** 00:15:30
- **Multimedia:** bideoa online ikusgai

**Gaia(k):**

- Iritziak » Bizitzarekiko ikuspegia
- Familia eta harremanak » Sexua eta generoa » Genero berdintasuna

**Laburpena:**

Espainiako Kode Zibilean gor-mutuek, umeek eta eroek ezin zuten kontraturik sinatu eta bankuan konturik ireki. 1975era arte emakumeak ere egoera horretara pasatzen ziren ezkontzen zirenean. Izugarria iruditzen zaio emakumeek eta gizonak hori nola onartzen zuten. Lan egiteko ere gizonak eman behar izaten zion baimena emakumeari. Euskal Herriarekin egiten du konparaketa, egoeraren aurrean ez dela ezer egiten adierazteko.

## 8. Eibarko La Sallera autobusez

- **Erref:** EGB-136/012
- **Iraupena:** 0:01:16. **Hasi:** 00:15:59. **Bukatu:** 00:17:15
- **Multimedia:** bideoa online ikusgai

**Gaia(k):**

- Euskara » Euskararen egoera
- Ohiturak eta bizimodua » Hezkuntza » Fraideak
- Herria, azpiegitura » Garraioak » Autobusak

**Laburpena:**

Eibarko La Salle ikastetxera "Grillo" autobusean joaten ziren Soraluzekoak eta Elgoibarkoak. Eskolan dena gaztelaniaz egiten zuten. Hermano Juanek euskaraz egiten zion. "El botas". Julio Sarasuak frantsesa ematen zion.

## 9. Kalean euskara gutxi, jakin arren

- **Erref:** EGB-136/015
- **Iraupena:** 0:03:16. **Hasi:** 00:20:23. **Bukatu:** 00:23:39
- **Multimedia:** bideoa online ikusgai

**Gaia(k):**

- Euskara » Euskararen egoera

**Laburpena:**

Elgoibarren euskara gutxi entzuten zen kalean bera umea zenean. Etxean

euskaraz egiten zuten. 16 urte ingururekin kontzientzia politikoa hartzen hasi ziren eta horrekin batera, euskararekiko kontzientzia piztuta, euskaraz hitz egiten. Amaren aldeko familiako kide batzuek gustuko zuten gaztelaniaz egitea, gaizki egin arren; ziurrenik konplexuagatik.

## 10. 50eko hamarkadako boom industrialaren eragina

- **Erref:** EGB-136/017
- **Iraupena:** 0:01:50. **Hasi:** 00:23:50. **Bukatu:** 00:25:40
- **Multimedia:** bideoa online ikusgai

### Gaia(k):

- Euskara » Euskararen egoera
- Familia eta harremanak » Herriko giroa » Herriaren nortasuna
- Ekonomia eta industria » Boom industrial

### Laburpena:

Elgoibarko biztanleria asko hazi zen 50eko hamarkadan, industrializazioaren eraginez. Elgoibar herri euskalduna izatetik herri erdalduna izatera pasa zen. Sigmak izan zuen garrantzia makina-erremintaren industrian.

## 11. Aitak irakurtzen zituen aldizkariak

- **Erref:** EGB-136/019
- **Iraupena:** 0:01:18. **Hasi:** 00:25:47. **Bukatu:** 00:27:05
- **Multimedia:** bideoa online ikusgai

### Gaia(k):

- Aisia » Kultura » Irakurtzea

### Laburpena:

Etxean ez zuten euskarazko irakurgairik. Aitak hilero kaleratzen zen `Reader´s digest´ aldizkaria irakurtzen zuen. Bizkaiko `La Gaceta del Norte´ ere bai, Athletic zalea zelako. 1975 inguruan Alfonso Guilló Argiaren harpidetzak saltzen ibili zen eta bera bazkide egin zen.

## 12. Kiroletako eta musikako "ikurrak"

- **Erref:** EGB-136/020
- **Iraupena:** 0:03:47. **Hasi:** 00:27:05. **Bukatu:** 00:30:52
- **Multimedia:** bideoa online ikusgai

### Gaia(k):

- Politika » Politika eta Franco
- Aisia » Taberna giroa » Beste lokal batzuk
- Familia eta harremanak » Herriko giroa » Pertsonaia ezagunak
- Ohiturak eta bizimodua » Kontakizunak eta sinesmenak » Anekdotak, kontakizunak

### Laburpena:

Frankismo giroan, ikurrak hartzen ziren kontuan. Kirolean, esaterako, Loroñok euskaldunak ordezkatzeko zituen eta Bahamontesek espainiarrak. Boxeoa ere modan zegoen orduan; Pepe Legra. Abeslariak ere ekartzen zituzten: Sara Montiel, Antonio Machín... lehenbizi Eibarrera eta gero Elgoibarrera. Odeón antzokian abesti zuenean Gorbea tabernara joan zen Machín. Harekin bizitako

anekdota. Odeon antzokia modernoa zen. Politikari ezagunak ere etortzen ziren.

### **13. Bilbon euskara akademian irakasle 70eko hamarkadan**

- **Erref:** EGB-136/023
- **Iraupena:** 0:01:51. **Hasi:** 00:32:05. **Bukatu:** 00:33:56
- **Multimedia:** bideoa online ikusgai

#### **Gaia(k):**

- Euskara » Euskalduntzea eta alfabetatzea

#### **Laburpena:**

Bilbora unibertsitatera joan zenean, lehenengo ikasturtean beste ikaskide batzuei euskara irakasten hasi zen, borondatez. Handik bi urtera euskara irakasteko Akademia batean aritu zen, soldatapean. Martin Orbe eta Jose Mari Iturralde ere aritzen ziren irakasle lanetan. Artiñano zen zuzendaria.

### **14. Eskola Profesionalean irakasle hasi zeneko bizipenak**

- **Erref:** EGB-136/025
- **Iraupena:** 0:02:18. **Hasi:** 00:36:08. **Bukatu:** 00:38:26
- **Multimedia:** bideoa online ikusgai

#### **Gaia(k):**

- Euskara » Euskararen egoera
- Ohiturak eta bizimodua » Hezkuntza » Goi mailako ikasketak

#### **Laburpena:**

1979-1980 ikasturtean hasi zen "Mekanika"n (Eskola profisionalean). Berak zituen aurreiritziak eta eskola barrutik ezagutzean zer iruditu zitzaion. Eskola txikia zen, 12 irakasle. Administrazioako azken mailetan hasi zen eta ikasle gehienak neskak ziren. Orduko bizipenak. Eskola guztiak gaztelaniaz ziren.

### **15. Elhuyarrekin harremana; Eskola Profesionalaren euskalduntzearen hasiera**

- **Erref:** EGB-136/026
- **Iraupena:** 0:02:08. **Hasi:** 00:38:26. **Bukatu:** 00:40:34
- **Multimedia:** bideoa online ikusgai

#### **Gaia(k):**

- Euskara » Euskararen historia
- Ohiturak eta bizimodua » Hezkuntza » Goi mailako ikasketak

#### **Laburpena:**

1980an UEUren bitartez Baleren Bakaikoa ezagutu zuen. Hark Elhuyarren eta itzulpengintzan parte hartzera animatu zuen. Elgoibarko Eskola Profisionalean Administraritza lerroa euskaraz ematen hasi zirenean Elhuyarren materiala erabili zuten. Elhuyarreko ekonomia taldean parte hartzen zuen berak, kontabilitate atalean.

### **16. Bergarako UNEDera euskarazko titulua ateratzera**

- **Erref:** EGB-136/027

- **Iraupena:** 0:00:53. **Hasi:** 00:40:34. **Bukatu:** 00:41:27
- **Multimedia:** bideoa online ikusgai

**Gaia(k):**

- Euskara » Euskalduntzea eta alfabetatzea

**Laburpena:**

1980an, Eskola Profesionalean lanean hasi zenean, larunbatetan Bergarako UNEDera joaten zen, euskarazko D titulua ateratzeko. Joseba Sarrionandia izan zuen irakasle. Iruñean egin zuen azterketa eta gogoan du Patxi Zabaleta zela zaintzailea.

## **17. Elgoibarko Izarrako lehendakariorde izan zeneko kontuak**

- **Erref:** EGB-137/002
- **Iraupena:** 0:04:08. **Hasi:** 00:02:52. **Bukatu:** 00:07:00
- **Multimedia:** bideoa online ikusgai

**Gaia(k):**

- Aisia » Kultura » Bertsolaritza
- Aisia » Kultura » Herrigintza eta elkarteak

**Laburpena:**

1981 inguruan, orduan Elgoibarko Izarrako lehendakari zen Andres Alberdi joan zitzaion lehendakariorde izateko proposamenarekin. Garai hartan antolatutako zenbait ekimen. Karlos Argiñanorekin gertatutako anekdota. Artean ezezaguna zen eta oso jende gutxi egon zen haren hitzaldian. Antolatu zuten bertso-afariko kontuak.

## **18. Eskola Profesionaleko lehenengo euskarazko klaseak; programazio-lengoiak euskaratzen**

- **Erref:** EGB-137/007
- **Iraupena:** 0:03:14. **Hasi:** 00:12:28. **Bukatu:** 00:15:42
- **Multimedia:** bideoa online ikusgai

**Gaia(k):**

- Ohiturak eta bizimodua » Hezkuntza » Goi mailako ikasketak
- Ohiturak eta bizimodua » Hezkuntza » Ikasgaiak eta ikasmateriala
- Euskara » Euskalduntzea eta alfabetatzea

**Laburpena:**

Eskola Profesionaleko euskara adarrean berak kontabilitatea eta informatika ematen zuen eta Karlos Ansolak matematika finantzarioa. Beraiek izan ziren gai horiek euskaraz ematen lehenak. Mailaz maila joan ziren irakasgaiak euskaraz txertatzen. Gogoan du programa informatikoa pirateatuta ekarri zuela eta institutuko irakasleei irakasten jardun zuela. Fakultatean programazio-lengoiak liburutik ikasten zituzten. Gero Cobol eta Basic programazio-lengoiak euskaratu zituen Elhuyarrentzat. Mandatuak ikasteko komiki bat ere egin zuten.

### **Transkripzioa**

- Mekanikara bueltauta, nere lankidiak, euskerazko adarrian, bazauden. Karlos Ansola. Horrek ematen zaban matematika finanziaerua. Nik

kontabilidadia ematen naban bezela. Gero Mariasun etorriko zan, baiña uste dot beranduau dala.

- Orduan hasi ziñan lehenengua euskeraz emoten...

- Kontabilidadia bai. Eta hau, Karlos, bestia.

- Bixok. Zuek izan ziñazien...

- Bai.

- ... Mekanikan euskeraz zeozer emoten hasi zian lehenenguk.

- Bai. Baiña copyright-a ez daukat, e! Ez dakit seguru-seguru, baiña baietzian nao. Eta horrek zian 5 urte; orduan, jun giñan urtetik urtera. Hasi giñan "preparatorio" eta 5.enera allegau giñan. Preparatorio zien... bueno, aurretikan, eta gero Lanbide Heziketa zan bi urte ta Lanbide Heziketa bigarren mailla edo ez dakit zela deitzen zan, LH1 bi kurso eta LH2 hiru kurso. Orduan, ein gendun danak eta neuk kontabilidadia eta informatika. Informatika zien hola oin deitzen... oin Office deitzen dana, word, excel, acces... Bueno, acces gitxiau, baiña... Oin gehixau erabiltzen da power pointa. Lehen ez zauan hori. Baiña zauden beste batzuk, assistant seriea, eta zan writing, filing... ta ez dakit zer. Ta hori pirateauta hasi giñan erakusten. Ni Eibarko lagun batekin, Jabi Arresekin, ikasi neban laboralian eta ez dakit zela pirateauta ekarri neban hona. Eta gero egon nintzan erakusten institutuan honek, Andres, Iñasio, Angel... horrerri. Baiña bai zan... Informatika... Kontuan izan, ni Bilbon, fakultadian, informatika zeuan liburu baten. Egun bat -egun bat- danok juten giñan Banco Bilbao Vizkaya-ko ordenadora ikustera, holako gela haundi baten -hau zabalian, baiña alturan- ta ikusten genduan "hau da ordenadore bat", buelta. Eta klasia zan liburua. Eta zien lengoaiak, programatzeko lengoaiak, ez aplikazioak. Eta lengoai itzultzen -lehenguan akordatzan- usten dot zala Cobol lengoai egon nintzana Elhuyarren babesarekin itzultzen. Eta... Nik itzulitakoa dana orrazten zuten. Nere maila ba ez zan [profesionala]... baiña bueno. Eta gero beste hizkuntza... o beste lengoai bat usten dot zala Basic edo holakon bat. Ez naiz akordatzan. Gero ein gendun komiki bat ere, ikasteko... zien honek mandatuak, COPY-C eta bezela, ein gendun komiki bat eta hori euskeratu gendun ere.

## 19. Unibertsitatea euskalduntzera

- **Erref:** EGB-137/008
- **Iraupena:** 0:02:09. **Hasi:** 00:15:42. **Bukatu:** 00:17:51
- **Multimedia:** bideoa online ikusgai

### Gaia(k):

- Ohiturak eta bizimodua » Hezkuntza » Goi mailako ikasketak
- Euskara » Euskalduntzea eta alfabetatzea

### Laburpena:

1988an Donostiako EHUren fakultatean kontabilitatea eta balantze-analisia euskaraz emateko hiru urterako kontratua sinatu zuen. Ordura arte irakasgai horiek ez ziren euskaraz ematen. Urtebete besterik ez zuen egin unibertsitatean, lantegira joan zelako lanera.

## 20. Elhuyarreko ekonomia taldean

- **Erref:** EGB-137/010
- **Iraupena:** 0:02:16. **Hasi:** 00:19:20. **Bukatu:** 00:21:36
- **Multimedia:** bideoa online ikusgai

**Gaia(k):**

- Euskara » Euskararen historia

**Laburpena:**

Elhuyar taldearekin ibili zen hainbat gai euskaratzen. Borondatezko lana zen. Espe Arrizabalaga eta Karmelo Busturia ziren ekonomia taldearen buru. Baleren Bakaikoa ere inguruan ibiltzen zen. Elhuyarrek beste talde batzuk ere bazituen. Esaterako, kimikako taldean Josu Jon Imaz zegoen. Liburuak ere argitaratu zituzten, Pello Juaristi elgoibartarrak prestatu zuena, adibidez.

**21. Elhuyarren lana gai ezberdinak euskaratzen**

- **Erref:** EGB-137/012
- **Iraupena:** 0:01:27. **Hasi:** 00:22:06. **Bukatu:** 00:23:33
- **Multimedia:** bideoa online ikusgai

**Gaia(k):**

- Euskara » Euskararen historia

**Laburpena:**

Garai hartan hasi zien material asko euskaratzen. Elhuyarrekoak lehenagotik zebiltzan; batez ere matematika taldeak zuen indarra. Andoni Sagarna. Arlo ezberdinen inguruko jakintza zuen jendea ibiltzen zen Elhuyarren, borondatez, gai horiek euskaratzen. Kalitatea ere halako izango zela dio. Gaur egun kontuak bestelakoak direla iruditzen zaio.

**22. Ekonomiaren inguruko euskarazko materialik ez**

- **Erref:** EGB-137/013
- **Iraupena:** 0:02:29. **Hasi:** 00:23:33. **Bukatu:** 00:26:02
- **Multimedia:** bideoa online ikusgai

**Gaia(k):**

- Euskara » Euskalduntzea eta alfabetatzea
- Euskara » Euskararen historia
- Aisia » Kultura » Idaztea

**Laburpena:**

Gogoan du materiala itzultzerakoan edo klaseak ematerakoan Uzeiren enpresa-hiztegia ere erabiltzen zutela. Klaseak euskaraz emateko, nork bere apunteak prestatu behar. Ez zegoen ezer. Aldizkarietan ere inork gutxik idazten zuen ekonomiaren inguruan. Baleren Bakaikoa, Mikel Zurbano eta Mikel Navarro izan ziren lehenengotakoak. Fakultatean bazituzten irakasle euskaldunak, baina garai batean burutik ere ez zitzaien pasako irakasgai bat euskaraz ematea.

**23. Umetan boy scout taldean**

- **Erref:** EGB-137/018
- **Iraupena:** 0:01:48. **Hasi:** 00:31:36. **Bukatu:** 00:33:24
- **Multimedia:** bideoa online ikusgai

**Gaia(k):**

- Familia eta harremanak » Lagunartea eta familia » Umetako kontuak

- Ohiturak eta bizimodua » Erljioa » Kongregazioak

#### **Laburpena:**

Tartsizioen eta luistarren kongregazioak. Umetan boy scout taldean ibili zen. Mendira joan eta euskarazko abestiak kantatzeko aitzakia zela uste du. Ion Arrieta zen burua. Egunero ekintza on bat egin beharra. Elizaren babespean sortutako taldeak ziren.

### **24. Ikasle sasoiko giroa Bilbon**

- **Erref:** EGB-137/020
- **Iraupena:** 0:01:13. **Hasi:** 00:37:16. **Bukatu:** 00:38:29
- **Multimedia:** bideoa online ikusgai

#### **Gaia(k):**

- Politika » Jarrera politikoak
- Politika » 60ko hamarkada eta trantsizioa (1970-1980)

#### **Laburpena:**

Bilbora unibertsitatera joan zenean Euskal Kultur Taldea zegoen. Hasieran elgoibartar batzuekin egon zen pisan, baina azken hiru urteetan beste herri batzuetako kideekin Deustun. Azpeitiko pisukidearen lagun bat EMK-ko (Euskaldiko Mugimendu Komunista) burua zen eta euren etxean egiten zituzten bilerak. 1975-1976 inguruan zen eta ordurako euskal kontzientzia piztuta zuen.

### **25. Euskararen egoeraz eta etorkizunaz gogoeta**

- **Erref:** EGB-137/028
- **Iraupena:** 0:03:53. **Hasi:** 00:51:00. **Bukatu:** 00:54:53
- **Multimedia:** bideoa online ikusgai

#### **Gaia(k):**

- Politika » Euskara eta politika
- Iritziak
- Euskara » Euskararen egoera

#### **Laburpena:**

Bere ezagun batek esaten du 60ko hamarkadako errentetatik bizi garela, emankorra izan zelako garai hori. Euskararen egoeraren inguruko gogoeta egiten du. Gaur egun erakundeak eta legeak alde ditu euskarak eta pentsatu daiteke horrekin gauza handi bat egitera jo behar dugula. Baina bere ustez gauzak berriz ere txikitik egitea da bidea, 60ko hamarkadan egin zen antzera.

### **26. Euskara, munduari begiratzeko modua**

- **Erref:** EGB-137/030
- **Iraupena:** 0:04:58. **Hasi:** 00:55:00. **Bukatu:** 00:59:58
- **Multimedia:** bideoa online ikusgai

#### **Gaia(k):**

- Euskara » Euskararekiko sentimendua
- Ohiturak eta bizimodua » Kontakizunak eta sinesmenak » Anekdotak, kontakizunak

**Laburpena:**

1992an Tokiora (Japon) joan zen enpresaburu gisa, Europako beste hainbat enpresabururekin batera. Ekitaldian jaiki, mikroa hartu eta euren burua aurkeztu behar zuten. Horretarako, japonierazko hitz batzuk ikasi zituen. Bera izan zen japonierazko hitz batzuk esan zituen europar bakarra. Bertakoek asko eskertu zioten. Ez zen kasualitatea izan euskaldun batek egitea hori. Euskara munduari begiratzeko modu bat dela iruditzen zaio. Euskara ezin da lehiatu hizkuntza handiekin. Handi egitearen arriskua. Hainbat gogoeta.

**Ahotsak.eus**-eko edukiarekin sortutako dokumentu automatikoa.

2026-06-16

**CC-by-sa | Ahotsak.eus**

Badihardugu Euskara Elkartea

Markeskua Jauregia, 20600 Eibar

943121775 - ahotsak@ahotsak.com